

مرند اۆيكو

## Mərənd öykü



آغ چادير - قارا چادير

يازار: سعيد فيوضات

Web address: [www.marand-oyku.arzublog.com](http://www.marand-oyku.arzublog.com)

Facebook: [www.facebook.com/marandoyku](http://www.facebook.com/marandoyku)

Email: [rezaaydin491@yahoo.com](mailto:rezaaydin491@yahoo.com)

## آغ چادير- قارا چادير

### سعيد فيوضات

ميرزه منصور فيوضات، ثبت احوال ايداره سينين وئردىگى تاپشيريقلارينا گۆره مرندين هندهورينده كى كندلره گئديب خالقا يئنى واجيب اولموش سيجيل آديندا كيمليك بلگه لر ينى حاضيرلايرميش.

گوندوزلرى، آخشاما قدر بو كنددن او كنده گئديب مامور اولدوغو ايشلرى گۆرندن سونرا، آخشاملار هانسى كند اولورسا اولسون بير ائوه يئرلشيب دىنجلرينى آليب يئنه ده ائرتەسى گون ايشه باشلايرميشلار. گئجه لر ، هر كنده ده دوشرگه سالديقلاريندا كندين كاتداسينين واسيطه سيله، بير دونيا گۆرموش آغ ساققالا گۆروشوب دانيشماق ايسته يرميشلر. بير گئجه كاتدا اولنارلا گۆروشمكن اؤترو بير "درويشه مسلك" اولان، قوجا آغ ساققالى گتيردى.

ائوين قاپيسينا يئتيشن كيمي قوجا درووش "مناجات چكهرى" اؤز حضورونو اعلان ائتدى. ميرزه منصور فيوضات و ائوده اولان باشقا مامورلار او آغ ساققالين حؤرمته نيه آياغا قالخديلار. درووش اماملار حاقيندا گۆزله مەلر دئيه -دئيه ايچهرى كئچدى، گۆزله مە سيني قورتاراندا سونرا اوتوردو.

ميرزه منصور فيوضات دئدى: آي ساققال خوش گل ميسن بو گۆزل مناجاتين دوغوردان دا بيزيم روحوموزو اوخشادى.

آغ ساققال دئدى: آي ساغ اول رئيس. دئديلر سيز منى بورايا چاغيرميسيز . من ائشيديرم ميرزه منصور دئدى: بيز بو آخشام سنين ديليندن ان اسكى ائشيدىكلرينى يوخسا گۆردوكلرينى ائشيتمك ايستردىك.

آغ ساققال دئدى: آي جناب رئيس ۹۰ ايلي ساغ -سالامات ياشاميشام، بو ۹۰ ايل ده چوخلو-چوخلو يئرلر گۆروب جوره به جوره آداملار گۆرموشم، آنجاق بو آن بير كيشى نين احوالاتينى خاطرلاديم. اونو سيزده دئمك ايسترديم.

ميرزه منصور دئدى: بويور آي آغ ساققال بيز سنى دىنله ييرىك.

آغ ساققال سؤزه بئله باشلادى: ۲۰ ياشيندا جاوان ايديم . بوتون بو دوزلرى ، يايلاقلارى داغلارى گزيب مناجات چكيب گۆزله مە دئيرديم. ياز چاغى ايدى بو گۆردوگون دوزلر جنته دؤنموشدو. لاله لر بوتون دوزون ، دؤشونه ياييلميشدى بير آن چاييرلارين اوستونده اوزانديم. گۆزلىمى مورگو دؤيدو. شيرين بير يوخويا دالديم. بيلميرم نه قدر ياتميشديم يوخودان اويانديغيمدا بير هنيرتى

ائشيتىدېم. دۇندوم ھىيرتى گلن يۇنە باخدىم بىر تېنەن اوستوندى نىچە چادىرىن فالدىرماسىنى گۇردوم. يقىن من يوخودا اولاراكن بو چادىرلار فالدىرىلمىش ايدى. چادىرلار بىرىسى آغ رنگىندە ايدى. او بىرىسى ايسە قارا رنگىندە ايدى. تېەدن چىخاركن مناجات چكەمە يە باشلايدىم. آغ چادىردان بىر قوللوقچو چىخىب مە باخىب، يئنى دن ايچەرى يە كئچدى. سونرا آغ چادىرىن ايچىندن بىر ھوندور بوى، قاراقاش گۇز، رشيد بىر جاوان چىخدى. اينىندە كى لزگى پالتارى اونون آرازين اوتايىندان گلە اولماغىنى سۇيلە بىردى. آنجاق ساغ الينى بئلىننن آرخاسىندا گىزلىتمىشىدى. من گۇزىللا مە دئە -دئە اونون ياخىنىنا يئتىشىدىم . ائشمە بوغلارى گولومسونوردو. گۇزىللا مە بىتندن سونرا مە دئدى: داورىش سنىن كىمىن چاوش گۇرمە مىشىدىم. نە گۇزىل مناجات چكىرسن.

دئدىم: ساغ اول بى الله سنى ائلە جە دە عائىلە نى ساخلاسىن  
بى دئدى: داورىش بىزىم چادىرىن بوساغاسىنا گلەمىسن، ايندى دە يئمك واختى دىر . يئمك سىز بوردان قايتماق اولماز.  
بوسۇزو ائشىدىركن بىلدىم كى بى اين خطرئە دىمك اولماز. اودور كى بى دئدىگى كىمى ايچە رى يە كئچدىم.  
منى اويغون بىر بئردە اوتوردولار.

سفرە سىرىلدى. سفرە نىن باشىندا بى اۇزو ايلشىدى. قوللوقچولار مە قوللوق ائدىركن گۇردوم بى اين اۇزونه ايكى خانىم قوللوق ائدىر. بىرىسى آغ خانىم ايدى، او بىرىسى ايسە قارا خانىم. بى بسم الله دئىيب يئمە باشلاياندا، مندە يئمە گە باشلايدىم. بى ائلە ساغ الينى دالىندا گىزلىتمىشىدى. آنجاق يئمگى خانىملار اونا يئدىردىدىلر. آغ خانىم ساغ كۇندوندى اوتورموشدو، قارا خانىم ايسە سول كۇندوندى . يئمكدن بىر تىكە نى آغ خانىم بىە وئرىدى، باشقا تىكە نى قارا خانىم بى اۇز ساغ الينى آرخاسىندا گىزلىتمە گىندن اوترو، من خىلى كۇپىلدىم. بىر آن يئمكدن واز كئچدىم سونرادا گئرىە چكىلدىم. بى باشا دوشدو، دئدى: داورىش كىم سنىن خطرئە دىدى؟ نە دن يئمك دن واز كئچدىن؟

من دئدىم: والله بى سىز ساغ الينىزى آرخانىزدا گىزلىتمىسىز. دئمك منىم بوردا اولدوغوما گۇرە سىز راحت دئىلىسىز. سىزى راحت سىز ائتمىشىم سە، داھا آرتىق بورادا قالمازام.  
بى دئدى: داورىش يئمە گىنى يئە....

دئدىم: بوخ بى، الينى گۇرمە يە نە كىمى، يئمك يئىن دئىلىم. من بونو اۇزومە بىر ساىغى سىزلىق حساب ائدىرم.

بى حىرصلندى. حىرصلى-حىرصلى دۇنوب مە باخىب دئدى: داورىش سنىن منىم ايملە ايشىن اولماسىن، سن يئمە گىنى يئ.

ائله اوزامان دوردوم آياغا، دئيم: بَی باغيشلا يا ساغ الينى منه گؤسترسينيز يوخسا منده بوردان چيخيب گئدرم.

بَی بير منه باخيب دئدى: اوندا باخ داوريش!

اوزامان ساغ الينى، بئلينين آرخاسيندان چيخارديب منه گؤستردى. ساغ الى بيلنگيندن بير آزيوخارى دان يوخ ايدى.

من بو منظره نى گؤرن كيمى بئله بير ، گؤزل ، اوجا بويلو ، الى آچيق بَی اين ناقيص اولماغيندان چوخ كؤيرلديم.

بَی دئدى: داوريش ايندى گؤردون اليمى نه دن آرخامدا گيزله ديرديم.

ايندى اوتور يئمه گينى يئ، يئمك دن سونرا سنه سؤيلرم نه اولدوغونو.

من يئنى دن يئريمده اوتوروب يئمه گيمى يئديم.

يئمكدن سونرا چاي گلدى. چايى اچيب دينجلندن سونرا بَی سوزه باشلادى ، دئدى: داوريش بيز باكىلى ييق .

اؤزوم تاجيرم. باكى دا بؤيوك تجارتيخانا واريم. تجارتي خانامين كانترى ائله دورماق بيلمز . سحرندن آخشاما قدر ايشلر . گون او گون اولدوكى انام منى ائولنديرمك ايسته دى . بير اصيل عائيله نين قيزينى منه نيشانلاديلار . توى حاضيرليقلارى باشلادى. اوزامان ائله اينديكى كيمى ان آدليم اولان شهر تبريز ايدى. ان گؤزل دَيرلى ماللارى تبريزده تاپيب آلماق اولاردى. بيز آلاچاقلاريميز اوچون تبريزه سارى يولا دوشدوك. تبريزه يئتيشندن سونرا ، گؤزل بير منزل ده دوشرگه سالديق. اثرته سى گون چيخديق بازارا. تبريزين بازاری نه قدر بؤيوك اولدوغو قدر بير اوقدرده گؤزل ايدى. نه قدر گؤزل ماللار وارايدى. هر نه لازيم ايدى سه آليرديق. يولوموزو سالديق قيزيلچى بازارينا. قيزيلچى بازاريندا گزيرديك. بو توكاندان او توكانا كئچيرديك. بيردن بير قادين منيم يولومو كسدى دئدى: آى بَی بورادا ايسته ديگينى تاپا بيلمزسن بوردا ساتيلان قيزيللار هاميسى "چيچقاي" بنزر.

دئديم: بس سنين قصد ائله ديگين ان گؤزل قيزيللار هاردا تاپيلار؟

دئدى: منيم آرخامجا گل . بيزيم ائو ايكي كوچه اويانداير . چوخ تئز گنديب گله ريك.

دئديم: او زامان قوى عائيله مى خبردار ائله ييم .

ائله او آن بير پارچا قيزيل چيخارديب منه گؤستردى. من او اصيل جواهيري گؤرن كيمى ، گؤزلىريم قاماشدى. ائله بيل او جواهير منى مسحور ائله دى. داها باشقا بير شئ دوشونه بيلمه ديم . اؤز عالميمده اؤزومه دئديم كى ايكي كوچه اويانا گنده جه بيك بو عائيله ده هله بللى دير كى آخشاما قدر بوردا ديرلار. گنديب قيزيللارا باخيب تئز گله رم .

قادين يولادوشدو، منده آرخاسيچاق . او زاماندا ائله بير گوجه ماليك ايديم كي هئچ كيمن قورخمازايديم "شوشگم" بئليمده ، قيلينجيم وموزوروم دا يانيمدا ايدى. نه دن قورخمالى ايديم اودور كي اوره گى توخ اولاركن يولا دوشدوم . بير نئچه كوچه دن سووشدوق . دؤنوم لردن دوندوك بير بؤيوك قاپى نين قاباغينا يئتيشديك. بؤيوك قاپى نين كيچيك آچيلاجاقى وارايدى. ائله بيز قاپينين قاباغينا يئتيشن كيمي كيچيك قاپى آچيلدى، اوزوموزه بو چاديردا گوردوگون قارا خانيم چيخدى. قارا خانيم بيزى ائوه مشايعت ائله دى. ائو چوخ بؤيوك ايدى . ائوه كئچيب اوردان تنه بى يه كئچديك. منى ان يوخارى باشدا يئرلشيريديلر. ايندى اوتورموشام گودورم قيزيلار گلسين. بيرده تئنى نين قاپيسى آچيلدى بورادا گوردوگون آغ خانيم ايچه رى يه كئچدى. اينده خوچا وارايدى. قادين آغ خانيمدا ايشاره ائله دى ، آغ خانيم گليب بيزيم قاباغيميزدا دوروب خونچانى آچدى. خونچا يئره سريلنده، منيم گؤزلىر يمين چاييري آچيلدى. او قدر گؤزل قيزيللارى بير يئرده گورمه ميشديم. نورمال عادى قيزيل دان چوخ عتيقه يه اوخشاييرديلار. ائله سئوينديم بئله دئمه كه گلمز.

قيزيللارى گؤتوروب باخماغا باشلاديم. بيزى -بيري سيندن گؤزل ايديلر . هئچ عؤمرومده بئله بير گؤزلىك گورمه ميشديم. منيم قيزيللارايلا باشيم قال اولدوغو زامان بيردن قاپى آچيلدى بير بويلو -بوخونلو كيشى كئچدى ايچه رى يه. من دؤنوب اونا باخديم. قادين تئز دئدى: بو منيم اوغلوم دور .

سونرا اوغلانا دئدى: اوغلوم كئچ اوتور قاپى نين قيراغيندا قوناغيم وار . كيشى ده كئچدى ايلشدى قاپى نين قيراغيندا. من بير باخيشلا او كيشى يه باخديم گوردوم بير شئ دئييل ائله اليمي آتسام اونون خيرخه نه گيندن ياپيشسام جانى چيخار، اودور نيگران اولماديم. يئنه تزه خونچالار گلدى . يئنى يئنى قيزيللار دؤشندى.

اوقدر باشيم قال اولموشدوكى عائيلم ياديمدان چيخميشدى هئچ يئنه ده بير كيشى نين ايچه رى يه گلمه گينى باشا دوشمه ميشديم. نه واخندان -نه واختا باشيمي قوزاياركن تزه كيشينى گوردوم. بو يئنى گلن كيشى او بيري سيندن بير آز بويلو -بوخونلو ايدى. يئنه ده اؤز عالميمده دوشوندوم گوردوم ائله بو ايكي كيشى نين ده ياخاسى منيم اليمه يئتيشن كيمي ايكيسى نين ده بويونو اوزه جه يم. اودور يئنه قورخماديم. اونلارا بير قيقاجى باخيب اليمي قويدوم بئليمده كي شوشگه نين قولپونا.

قادين دئدى: اودا منيم اوغلوم دور اؤزگه دئييل قورخمايين.

من بير گولومسوندوم. آل -وئر قيزيشميشدى.

بیر یاندان سنچیردیم بیر یاندان چنه له شیردیک. قیزیل لاردا قورتارمایان ایدی. هامیسی دا گۆزل . بوزامان بیردن قاپی آچیلدی بیر دئو بویدا کیشی کئچدی ایچه ری یه . اوقدر بویو اوزون ایدی کی قاپیدان کئچنده باشینی ایدی.

ائله دوغوردان دا ناغیللارداکی دئولری تمثیل ائله بیردی.  
بوسفر وال دؤندو. من اودئوی گۆرن کیمی اسمه جه یه دوشدوم. دوشوندوم گۆردوم او دئو الینی آتسا منیم یاخاما جوجه کیمی منیم بونومو اوزر.  
قادین منیم اسمه جه یه دوشمه گیمی آنلادی. دئدی: قورخما اودا منیم اوغلوم دور , هئچ نیگران اولما . دئدیم: نیگران چیلیق یوخسا قورخو دئییل بیلیمیرم نه دن گۆزوم قارالیب باشیم دؤندو.

قادین دئدی: ایندیسسه من سنه بیر تورکه داوا وئره رم.  
دؤنوب آغ خانیمما بویوردو: آی قیز گنت او توربانی گتیر . آغ خانیم گندیب بیر توربا گتیردی.  
قادین قاینانمیش سویون ایچینه بیر آز یارپاق توزو توکدو. هئچ بیر آز زامان کئچمه میش منه بیر قیزیشما گلدی. ائله بیلدیم کی بوتون دونیانی بیخا بیله رم. او قاپی قیراغیندا ایلشن اوچ قارداشا باخدیم گۆردوم منیم گۆزومده جوجه یه دؤنوبلر. سانکی الیمی اوزاتسام اوچونوده بیرگه بوغارام.  
ائله اوزومو گوجلو حیسه ائله دیم کی ال آتیب شوشگه می قیلینجیمی موزورومو اوستومدن سویوندوم, بیر قیراغا قویدوم ائله باشیمی ایتیر میشدیم کی زامانین کئچمه سینی بیلمه دیم.  
بیردن قادین دئدی: بئی چوخ گنج اولوب ایندی سنین بو واختدا بو قدر قیزیل و پول ایله ائشیکه چیخماغین هئچ دوز ایش اولماز. منجه سیز گنجه نی بورادا قالین یاتین. سحر آچیلان کیمی گندر سیز.

اوقدر باشدان چیخمیشدیم کی هئچ فیکیرلشمه دیم آخی منی گۆزله ین وار. آخی من هارا گئندیگیمی دئمه میشم. آنجاق گۆزوم دؤنموش ایدی. بیر دن قادین دئدی: آی آغ خانیم گل قوناغیمیزی آپار اوتاغینا.

آغ خانیم گلر کن آیاغا دوروب آرخاسیچاق یولا دوشدوم. منیم اوتاغیم حیطین او بیرسی باشیندا ایدی. ائله حیط قاپیسیندا چیخان کیمی بو آغ خانیم منه دئدی: سن نه قدر آخماق جاوان سان سن نه قدر آغیلسیز , نه قدر ساده بیر آدامسان.  
دئدیم: نه اولوب کی؟

دئدی: آی یازیق بونلارین ایشی ائله بودور. هاردان گلدیکلری بللی دئییل . هئچ کیم بونلاری تبریزده تانی ماییر.

ائله سنین کیمی جاهیل و فیکیرسیز , وارلی بئی لری , قیزیل بهانه سیله بورایا گتیریب سونرا اؤلدورولر. ایندی بیر آزدان اوغلان لاری گلیب سنی اؤلدوره جکلر.

دئدیم: هئچ ایش گۆره بیلمز لر ، اونلارا ائله قورشون یاغدیرارام گل گۆره سن. قیلینجیمللا دوغرارام ، شوشگمله باشلارینی اوزه رم.

دئدی: آی یازیق هانی شوشگن، هانی قیلینجین، هانی موزورون؟

ائله او آن الیمی آتدیم گۆردوم بئلم بوش دور. سوروشدوم بس منیم هانی بئلمده کی لر، هانی پولوم، هانی قیزیلیم، من نئله دیم اونلاری؟

آغ خانیم دئدی: آی یازیق اونلارین هامیسینی سویوندون قویدون قالدی تنبی ده. ایندی قیزیللاردا اونلارین الینده پوللاردا. سیلاحین دا اوردا قالب.

من دئدیم: آخی من نییه بئله اولدوم؟ نه گلدی منیم باشیما؟

آغ خانیم دئدی: آی یازیق بونلار اووچودولار. سنین کیمی اوولاری، اوولایرلار بونلاردان فیرلداقچی سی یوخدور.

ائله هللم - قلم دیلر تای لاری یئر اوزونده بئله یوخدور. سنه داوا ایچیرتدیلر. سن اؤزونو چوخ گوجلو حیس ائله ییب ، قورخماییب گئدیپ یاتاندان سونرا، سنی اؤلدورمک اونلارا سو کیمی اولاجاقدیر.

بو سؤزلری انشیتیمک بیرده کی هاوانین تاثیری بیر آز او داوانین اثرینی سیرلندی. دئدیم: آی آغ خانیم منه بؤیوک یاخشیلیق ائله دین . ایندی گۆرمه بیر بالتادان ، چاپاقدان یا اوناتای بیر شیئ تاپا بیله جکسن.

دئدی: گۆروم نئیلیرم . منی اوتاغا یئتیریب گئتدی. منده اوتوروب تیتره مه گه باشلادیم. اؤزوم ده بوتورا دوشمه گیمه مات قالدیم. نه قدر عاگیل سیز ایمیشام من . نه دن هارا گئتدیگیمی دئمهدیم. نه دن تانیمادیغیم آدامین آرخاسینا دوشوب بو قتیلگاها گلدیم.

ائله بو آندا گۆردوم شوشه نی تیقلیدادیرلار. باخدیم گۆردوم بو آغ خانیم بیر پاسلی قمه تاپیب گتیریب منه . او پاسلی قمه، ان قیمتلی هدیه ساییلیدی

دئدیم: آی آغ خانیم سن نه دن منه یاردیم ائله دین.

دئدی: منیم طاقتیم توکندی. داها آرتیق بو طولوم لره سس سیز قالا بیلمه دیم. ایندی بیل کی منیم ده جانیم خطرده دیر. اگر ایشینی دوز گۆره بیلمه سن منیم ده باشیم گنده جک.

سونرا قویوب گئتدی. من تنز آیاق یالین ، چوخ سس سیز جه اوتاغیمدان چیخیب یاواش-یاواش ائوه ساری گئتدیم . تنبی نین پنجره سینین قاباغیندا دوروب قولاق وئردیم. گۆردوم قادین اوجادان گولور. سونرا سؤزلرینی انشیتدیم . دئدی: گۆر بو جاوان بی نه قدر آخماقدیر. بوتون سیلاحینی سویونوب تۆکدو بورایا. هئچ من بو قدر راحت بیر اووا راست گلمه میشدیم ۹. هئچ بو قدر راحت بیرسینی توراسالمامیشدیم. هئچ دؤنوب عائله سینه هارا گلدیگینی بئله دئمده دی.

بو سۆزلىرى دئىيب ائله اوجادان گولوردو. بىردن دۇنوب ان كىچىك اوغلونا دئدى: اوغلوم گنت قوناغيمىزى راحتلا.

ائله كىچىك اوغلان آياغا دوران كىمى منده تئز آستاجا گئدىب گىردىم اوتاغا. قمه نى اليمده برىك ياپىشتىم. ائله اوغلان حَيطدن اوتاغا گىرنده بوينوندان توتوب قمه نى اوره بينه سوخدوم. هئچ آخ دئيه بيلمه دى . اما منىم فىكىرىم او دئوين يانيندا ايدى.

يوخسا بو ايكى قارداش منه سو ايچىم كىمى ايدىلر. يئنه قايتىدىم اوتاغىن قاباغىنا قادين ائله قاه -قاها گولوردو. بو قدر ثروتىن راحتجا الينه دوشمه گى اونو لاپ بئله كئفلندىرمىشىدى. بىردن دۇنوب اورتانجيل اوغلونا دئدى: آى اوغول قارداشىن يوباندى. گنت گۇر هاردا قالىب گلمه دى. اورتانجيل اوغول دئدى: آى آنا نه قانىنى قارالدىرىسان بلكه ووروب دور طرفى، طرفده يئرده چابالاير اودا ووروب او منظره به باخىر.

بىر آز كئچدى . قادين دئدى :آى اوغول دور گۇر آخى بو قارداشىن هاردا قالىدى .آخى چابالاماق نه قدر چكر كى. گنت گۇر نئيله بىر . نيه قايتمايىر. اورتانجيل اوغلان آياغا دوردو.

من بو منظره نى گۇرن كىمى تئز قايتىدىم اوتاغا. اوزومو حاضىرلادىم اورتانجيل اوغلان اوتاغا گىرن كىمى شىغادىم اوستونه آغزىنى توتدوم. بىر آز منىمله گوشدى ، اما من تئز قمه نى سوخدوم اوره بينه. ايش دن دوشن كىمى سورودوم آپاردىم اوتاغىن قىراغىنا . لعله به -لعله يه قايتىدىم تبنى نىن قاباغىنا.

قادين ائله كئف ائله بىردى . پوللارى گۇتوروب گوپه ساووروردو. بىردن دۇنوب بۇيوك اوغلانا دئدى: آى اوغول بس قارداشلارىن هاردا قالىدلار . بۇيوك دئو اوغلان دئدى: آى آنا حتما ايكى قارداش اونون چابالاماسىنا باخىرلار.

قادين شهله نه رك دئدى: اوغول ائله قوناقىمىز دا آز آشىن دوزو دئىلىدى ها. هله -هله چابالايان آداما بنزه مىردى گنت گۇر آخى نه اولدو بو ايكى قارداشىنا.

دئو قارداش دوردو آياغا. ظاليم اوغلو ظاليم اوقدر اوزون ايدى كى منىم دورد آتدىمىمى او بىر آتدىمدا آتيردى . چوخ سورعتله قاچدىم، اما هله اوتاغىما يئتىشمه مىش او حَيطه گىردى . ائله حىطه يئتىشجه گىن منى گۇردو. بىر نعره چكدى سونرا يوگوردو منىم اوستومه .

من گۇردوم بو دئوله ال به ياخا اولسام ائله منى بىر اليله بوغاجاق. اودور، بوتون گوجلو -گوجومه قمه نى تولازدادىم. قمه گئدىب دوز سانجىلىدى اونون اوره بينىن باشىنا. اوركدن باغىردى. اما هله جانى قالمىشىدى . سمتىرله يه - سمتىرله يه ، والايلايا-والايلايا، منه سارى گلىدى. گوجو قورتاران كىمى اؤلدو. ائله يئره دوشن زامان الينده كى قمه نى منه سارى تولازدادى .اوقدر گوجلو گوجونه تولازدادى كى من اوزومو قىراغا چكدىم اما سونوندا قمه دوز دوشدو منىم



بیلنگیمه , بیلنگیمی سالدی. بوتون وجودومو آغری آلدی. بیخیلیم یئرہ , اویدوم. ائله اویار اویماز بیرده گوردوم کی قادین منیم ائوده قالان شوشگه می گؤتوروب جیحه چکه –چکه یوگوردو منیم اوستومه . داها آرتیق اینجاریم قالمامیشدی. او زامان گوردوم کی بو قارا خانیم الینده کی دیه نه گیلہ او قادینی ووردو. قادین یئرہ دوشدو. باش گؤزو یاریلمیش ایدی. اوندان سونرا بو قارا خانیم شوشکه نی قادین دان آلیب گتیردی قویدو منیم اووجوما , دئدی: باتیر بو عفریته نین اوره یینه قوی عالم الیندن قورتارسین.

منده سورونه –سورونه قادینا ساری گئتدیم بئله الیمی قالدیرا بیلیمیردیم. یئنه بو قارا خانیم منه یاردیم ائله دی. سول الیمی گؤیه قالدیردی. منده شوشکه نی ائندیره رک او قادینین اوره یینی پارچالادیم. قادین بیر جیحه چکدی سونرا سوسدو. سونرا بیر شی بیلمه دیم.... گؤز آچدیغیمدا گؤندوز ایدی. نه قدر یاندیغیمی بیلیمیردیم بیردن گوردوم باشیمین اوستونده بو ایکی خانیم اوتوروب لار. یارالاریمی باغلامیشدیلار. سوروشدوم من نه قدر یاتمیشام , دئدیلر سن یئددی گون دور یاتمیشان.

دئدیم: تئز منی قالدیرین گئدک عائله مین یانینا ایندی یازیق لار الدن گئدیلر. آغ خانیم کئچدی ساغ قولتوغوما , قارا خانیم کئچدی سول قولتوغوما. مسافیر منزلیینه یئتیشنده ائله بیل قیامت قویدو. داها آرتیق آتام, ائله جه ده بوتون عائلم منی گزمک دن یورولوب , بیر –بیغیش ائله ییب گئتمک ایسته بیردیلر. منی گؤرن کیمی ائله بیل دونیانی وئردیلر اونلارا....

گونلر کئچدی بیز باکی یا قایتدیق. من ساغالدیم اما او منه نیشانلادیقلاری قیزی آلمادیم. آخی منیم ایکی جان بورجوم وارایدی. بیری بو آغ خانیما بیرسی ده بوقارا خانیما. من بونلارین ایکیسینی ده آلدیم . ائویمده یئرلشدیردیم. بیز ایندی چوخ بختوریک. هر ایل یازدا بویایلاغا گلیریک... سنده هر یاز گلیب بیزی گؤره بیلرسن سونرا منه بیر آغ آت توحفه وئردی.

میرزه منصور فیوضات سوروشدو: گؤره سن ائله هر یاز گلیرمیش لر اورایا. قوجا آغ ساققال: واللہ جناب رئیس بیر نئچه یاز گلدیلر حتی من بیرکره سیخینتی دا قالمیشدیم اونا گؤره ده آتی ساتدیم. او یاز گلنده گئتدیم اونلاری گؤرمه گه. او منی گؤرن کیمی اوزونو دؤندردی. نه قدر دانیشدیردیمسا دانیشمادی. سونرا آغ خانیمدان سوروشدوم. بی نییه مندن کوسوب دئدی: آخی آغ آتی گؤرمه ییب اونا گؤره یقین سن اونون تحفه سینی ساتمیشان. او ایش بییه سایقی سیزلیق حساب اولور. اودور سنی دیندیر مه یه چک.

اوندان سونرا آغ خانیمی و قارا خانیمی واسیطه سالدیم سونوندا منیمله دانیشدی. آنچاق دئدی: آی کیشی آدام دا تحفه آتی ساتار؟

دئدیم بئی باغیشلا آنلامامیشام.

نئچه یازدان سونرا داها آرتیق اونلاری گۆرمه دیم داها آرتیق بیزیم طرفلره گلمه دیلر....

\*\*\*

میرزه منصور فیوضات بو حقیقی حادیتھنی اؤز اوغلو داوود فیوضاتا دئییب، منده آتام داوود فیوضات  
دان ائشیدیب و یازدیم بو کاغزلارا. تانری هامی سینا رحمت ائله سین. نور ایچینده یاتدیلا.  
ماراقلی سی بودور کی بو دفتری باشلادیغیم قلم ائله بوردا توکندی

سون